



Fyresdal kommune
Sektor for kultur og oppvekst

Vedtekter for

Fyresdal barnehage

Vedtekter for Fyresdal barnehage

1. Eigar- og driftsforhold

Fyresdal kommune eig og driv Fyresdal barnehage. Kommunestyret er ansvarleg for forvaltninga og godkjenning av vedtektene.

Barnehagen er administrativt knytt til oppvekstkontoret.

2. Godkjenning

Kommunestyret er vald som organ for godkjenning av barnehagar i Fyresdal kommune.

3. Grunnlag for barnehagedrifta (barnehagens føremål)

Den kommunale barnehagen vert driven i samsvar med Lov om barnehagar med forskrifter, rammeplan for barnehagar og kommunale vedtak.

Barnehagen skal ha eit samarbeidsutval i samsvar med Lov om barnehagar.

Rådmannen har mynde til å føre lokalt tilsyn med verksemdar som er regulert etter Lov om barnehagar, jf. § 7 og 16 om ansvar og tilsyn.

4. Barnehagen si oppgåve – formål

Barnehagen skal gje barna eit godt miljø med vekt på leik og samvær med andre barn og vaksne. Saman med heimen skal barnehagen skape eit miljø som sikrar barnet individuell og gruppevis omsorg og støtte, stimulering, læring og etisk rettleiing. Barnehagen skal vera ein del av bygdemiljøet og ta vare på kulturverdiane i bygda, talemål, sed og skikk.

Nynorsk målform skal så langt som råd nyttast i songar og litteratur.

Formål:

Verksemda skal byggje på dei etiske grunnverdiane som er forankra i Lov om barnehagar

§ 1:

"Barnehagen skal i samarbeid og forståelse med heimen ivareta barnas behov for omsorg og lek, og fremme læring og danning som grunnlag for allsidig utvikling.

Barnehagen skal bygge på grunnleggende verdier i kristen og humanistisk arv og tradisjon, slik som respekt for menneskeverdet og naturen, på åndsfrihet,

nestekjærlighet, tilgivelse, likeverd og solidaritet, verdier som kommer til uttrykk i ulike religioner og livssyn og som er forankret i menneskerettighetene.

Barna skal få utfolde skaperglede, undring og utforskertrang. De skal lære å ta vare på seg selv, hverandre og naturen. Barna skal utvikle grunnleggende kunnskaper og ferdigheter. De skal ha rett til medvirkning tilpasset alder og forutsetninger.

Barnehagen skal møte barna med tillit og respekt, og anerkjenne barndommens egenverdi. Den skal bidra til trivsel og glede i lek og læring, og være et utfordrende og trygt sted for fellesskap og vennskap. Barnehagen skal fremme demokrati og likestilling og motarbeide alle former for diskriminering."

5. Foreldreråd og samarbeidsutval

"§ 4. Foreldreråd og samarbeidsutvalg

For å sikre samarbeidet med barnas hjem, skal hver barnehage ha et foreldreråd og et samarbeidsutvalg.

Foreldrerådet består av foreldrene/de foresatte til alle barna og skal fremme deres fellesinteresser og bidra til at samarbeidet mellom barnehagen og foreldregruppen skaper et godt barnehagemiljø. Er det i forskrift etter § 15 satt maksimalgrense for foreldrebetaling, kan bare foreldrerådet samtykke i foreldrebetaling ut over dette.

Samarbeidsutvalget skal være et rådgivende, kontaktskapende og samordnende organ. Samarbeidsutvalget består av foreldre/foresatte og ansatte i barnehagen, slik at hver gruppe er likt representert. Barnehagens eier kan delta etter eget ønske, men ikke med flere representanter enn hver av de andre gruppene.

Barnehageeieren skal sørge for at saker av viktighet forelegges foreldrerådet og samarbeidsutvalget."

6. Barnehagetilbudet

- Barnehagen har 3, 4 og 5 dagars tilbod.
- Barnehagen er open: Kl. 07.00 – 16.30.
- Avdelingane er stengde laurdag, sundag, helge- og høgtidsdagar- irekna jole- og nyttårsaftan. Dagane mellom jol og nyttår skal barnehagen haldast open dersom det er behov for det. Slikt behov må foreldra melde til barnehagen i god tid og seinast innan 1.desember kvart år.
- Barnehagen held ope onsdag før skjærtorsdag til kl. 12.00.
- Barnehageåret startar opp ved fyrste skuledag kvart år, jf. Skuleruta.
- Barna må ha 4 veker ferie i løpet av barnehageåret. 3 av desse vekene skal vere samanhengande i perioden frå og med juni til og med august.
- Arealutnytting: 4m² for barn over tre år og 5,3m² for barn under 3 år.

7. Opptak – opptakskriterier

Barnet må ha fylt **eitt år** før det kan få plass i barnehagen. I heilt særskilte høve kan barnehagen, med bakgrunn i dokumentert årsak, vike frå denne regelen.

Ut over lovfesta rett til barnehageplass blir følgjande kriterium lagt til grunn:

Barn med nedsett funksjonsevne, jf. § 13 i Lov om barnehagar.

Barn som det er fatta vedtak om etter lov om barnevernstenester §§ 4-4 og 4-12.

Barn som fyller 5 år i inneverande år.

Barn av einslege forsyntarar.

Kommunen skal ha minimum eitt opptak i året. Søknadsfrist til opptaket vert fastsett av kommunen, jf Lov om barnehager § 12a.

Opptak av barn skjer administrativt. Avdelingsleiar i barnehagen innstiller til opptak.

Barnet har rett til plass i barnehage i den kommunen det er busett.

Det kan difor søkast om plass for alle barn med folkeregistrert adresse i kommunen.

Dersom det er ledig kapasitet kan barn frå andre kommunar bli vurdert, dersom heimkommunen betalar plassen, jf Telemarks avtala. Dette med plass for 1 år om gongen.

Barnehageplassar for opptak til hausten, blir lyste ut kvar vår. Opptaket blir gjort samla ein gong i året med søknadsfrist 15. mars.

Søkarar som ikkje får plass, blir sette på venteliste. Søknader som kjem inn etter søknadsfrist, vert handsama saman med dei som står på venteliste. Føresette som ynskjer endring av tilbudet for barn som allereie har plass, gjeld fristen for hovudopptaket.

Barnehagen har ikkje opptak i mai og juni.

Det skal søkast på elektroniske søknadsskjema på www.fyresdal.kommune.no

Formannskapet er klageinstans.

Barnet beheld plassen til det byrjar på skulen.

8. Etteropptak

- Opptak til plass som vert ledig i løpet av året blir handsama av avdelingsleiar i barnehagen og sakshandsamar frå oppvekstkontoret.

9. Oppstarting

Den som har fått plass i barnehagen må ta plassen i bruk innan ein måned etter tildeling av plass. Ved etteropptak – seinast ein måned etter at melding er motteken.

Dersom det skulle oppstå tilhøve i heimen eller med barnet som barnehagen finn tungtvegande, kan barnehagen etter søknad gjera unntak frå denne regelen.

10. Oppseiing av plassen – endring av opphaldstid

Plass i barnehagen må seiast opp med ein månads skriftleg varsel, frist for dette er den 1. i kvar måned. Plassen må betalast i oppseiingstida.

Frist for endring av eksisterande tilbod er den 1. i kvar måned, dersom tilbodet blir endra, gjeld endringa frå 1. påfølgande måned.

Plass sagt opp etter 1. april må betalast ut barnehageåret (31.07)

For barn som skal byrje på skulen, kan foreldra seie opp plassen i barnehagen når skulen sluttar i juni. Foreldra som skal ha barna sine i barnehagen neste barnehageår, kan i regelen ikkje seie opp plassen bare for sommarferien.

11. Betaling

Fyresdal kommunestyre fastset foreldrebetaling. Satsane for foreldrebetaling blir rekna ut etter maksimalgrensa for foreldrebetaling sett av Stortinget i sitt årlege budsjettvedtak. Foreldrebetalinga skal betalast til økonomiavdelinga i Fyresdal kommune. Foreldre/føresette som får tildela plass for sitt barn i hovudopptaket, må betale full plassbetaling for heile månaden. Det skal betalast for 11 månader i året, utifrå gjeldande betalingsmodell. Utgifter til mat kjem i tillegg til opphaldsbetalinga.

Oppstarting frå venteliste, blir frå det tidspunktet barnet får tildela plass. Dersom plassen ikkje er betalt innan fristen, blir det sendt purring på betalinga. Ikkje innbetalt plassbetaling kan føre til at plassen blir sagt opp.

Ekstradagar blir fakturert to gonger i året.

12. Planleggingsdagar og feriar

Barnehagen fylgjer skulen sine planleggingsdagar i skuleruta. Barnehagen er stengt desse dagane og informerar foreldra om dette.

Andre ferie- og fridagar i barnehagen utanom sommarferie må vi ha tilbakemelding på om barnet kjem eller ikkje.

Sommarferien skal leverast skriftleg med underskrift av føresette.